

علمات حب الله للعبد - شريف علي

شريف علي

كتاب انزلناه اليك مبارك ليذروا اياته وليتذكر اولوا الالباب بسم الله والحمد لله والصلوة والسلام على رسول الله صلى الله عليه وسلم رب اشرح لي صدري ويسر لي امري واحلل العقدة من لسانني يفقهوا قوي - 00:00:09

يقول النبي صلى الله عليه وسلم ما اجتمع قوم في بيت من بيوت الله يتلون كتاب الله ويتدارسونه فيما بينهم الا نزلت عليهم السكينة وغضي THEM الرحمة وحفتهم الملائكة وذكرهم الله فيمن عنده. ويقول النبي صلى الله عليه وسلم - 00:01:01

من سلك طريقا يلتمس فيه علما سهل الله له به طريقا الى الجنة وقال صلى الله عليه وسلم ما اجتمع قوم يذكرون الله الا نادى من السماء ان قوموا مغفورة لكم - 00:01:23

قد بدلت سيناتكم حسنات اللهم لك الحمد ان احنا بنجتمع على المجلس ده مجلس تحف الملائكة وتتنزل عليه السكينة والرحمة ومن اعظم ثمرات المجلس ده ان ربنا سبحانه وتعالى يذكرنا في الملا الاعلى - 00:01:39

قال صلى الله عليه وسلم وذكرهم الله فيمن عنده فده شرف عظيم جدا ان ربنا سبحانه وتعالى يذكرنا في من عنده سبحانه وتعالى الدرس اللي فات كان آآ درس آآ ضرب نار شديد شوية - 00:01:55

آآ درس النهاردة عنوان الدرس علمات حب الله للعبد قبل ما نتكلم في علمات حب الله للعبد والاعمال الموجبة لمحبة الله يعني في اعمال الانسان بيعملها - 00:02:11

بتوجب محبة الله للعبد وفي الاخر هنتكلم عن علمات لو ربنا سبحانه وتعالى يسر لنا في الوقت كده نتكلم عن علمات العلامات دي لو موجودة فيك يبقى انت بتحب ربنا - 00:02:28

ماشي؟ يبقى احنا في البداية هنتكلم عن علمات حب الله للعبد ايه العلامات اللي انا اقول ربنا بيحبني لو العلامات دي موجودة وايه الاعمال اللي توصلني لمحبة ربنا سبحانه وتعالى - 00:02:39

وايه العلامات اللي لو موجودة فيها يبقى انا فعلا صادق في محبة الله ماشي؟ اتفقنا نبدأ كده باسم الله من من اعظم معاني العبودية يا حب الله سبحانه وتعالى حتى لا يتصور عبد - 00:02:52

لله ما بيحبس ربنا والانسان معرفته بربنا سبحانه وتعالى قليلة بيبقى صعب يبقى فيه نوع من المحبة قال ابن القيم المؤمن كالطائر له جناحان الخوف والرجاء. ورأس الطائر ايه حب - 00:03:08

محبة ومعنى اصلا العبودية يعني معنى ان انت عبد لله تعريف العبودية هي كمال الذل مع كمال الحب ان انت بتحب ربنا. ان انت بيكى عارف حب مش حب طبيعي. يعني لما جاء الاعرابي - 00:03:33

النبي عليه الصلاة والسلام قال يا رسول الله متى الساعة قال ما اعددت لها واحد بيسأل بيقول لي يوم القيمة امتى؟ فالنبي عليه الصلاة والسلام قال له ايه صلى الله عليه وسلم قال ما اعددت لها - 00:03:49

قال حب الله ورسوله صلى الله عليه وسلم قال له انا بحب ربنا وبحب النبي عليه الصلاة والسلام فقال صلى الله عليه وسلم المرء مع من احب فقال معاذ فما فرحتنا بشيء - 00:04:03

مثل قول النبي صلى الله عليه وسلم المرء مع من احب فانا والله احب الله ورسوله وابو بكر وعمرو وعلي وارجو ان اكون معهم يوم القيمة حب يعني انت هل انت بتحب ربنا سبحانه وتعالى - 00:04:20

لما تيجي تسأل دلوقتني اي واحد تقول له تحب ربنا يقول لك طبعا بحب ربنا. بتحب ربنا؟ ايوة طبعا بحب ربنا جدا. بتحب النبي عليه

الصلوة والسلام؟ طبعاً باحب النبي عليه الصلاة والسلام. آآآ ان انت تبقي - 00:04:41

رفيق النبي عليه الصلاة والسلام في الجنة؟ طبعاً نفسي ابقي رفيق النبي في في الجنة. نفسك تبقي في الفردوس الاعلى؟ طبعاً.
نفسك ت Shawf ربنا؟ ايوا طبعاً لا يتصور ان انت تسأل انسان فتقول له بتحب ربنا يقول لك ايه - 00:04:56

يعني آآآ نص نص مش قوي صح طبيعي ان الاجابة هيقول ايه؟ طبعاً باحب ربنا لكن مجرد الكلام مش كفاية يعني اه ادعاء المحبة كل الناس بتدعى محبة ربنا سبحانه وتعالى - 00:05:09

كل الناس بتقول ان هي بتحب ربنا وبتحب النبي عليه الصلاة والسلام. لكن ربنا سبحانه وتعالى جعل لهذه المحبة علامات للصدق مش اي انسان يدعي محبة ربنا نقول ان هو فعلاً بيحب ربنا. هو اه ممكن يكون بيحب ربنا - 00:05:26

لكن محبة ربنا في قلب الانسان ده آآآ تتساوى مع بقية الحاجات يعني هو بيحب ربنا قوي بس بيحب صحابه بيحب الكورة ويحب واحدة وبيحب معصية فلانية وبيحب يسمع اغاني بيحب حاجات كتير بس هو ايه - 00:05:41

بيحب ربنا. فلما يحصل تعارض لما يحصل وبين مسلا حب ربنا وبين شهوة للنفس بيقدم ايه بيقدم شهوة النفس ليه؟ لان حب ربنا في قلب الانسان ده ما سبقتش اي حب تاني - 00:05:59

يعني لما قال عمر رضي الله عنه قال يا رسول الله اه انك احب الي من كل شيء الا نفسي قال لا يا عمر حتى اكون احب اليك من نفسك التي بين جنبيك - 00:06:17

فقال عمر يا رسول الله انت احب الي من نفسي فقال الان يا عمر قلقان ايه يكتمل ايمانك ايمانك يكتمل لما تحب ربنا قال ثلاث من كن فيه وجد بهن حلاوة الایمان - 00:06:34

اول حاجة ايه؟ ان يكون الله ورسوله احب اليه مما سواهما ان انت تحب ربنا اكتر من اي حاجة تانية ان حب ربنا في قلبك ما يسبقش اي حاجة فاهمية الحب - 00:06:53

حاجة عبادة ربنا الخوف والرجاء بس كده من غير حب من غير محبة ده الانسان فيه مرتب كده هو بعيد عنها قوي فاحنا النهاردة هنتكلم عن حب الله حب الله للعبد - 00:07:09

طب ايه العلامات اللي لو موجودة في الانسان نقول ده ربنا بيحبه اول علامة من علامات حب الله للعبد هي التوفيق للطاعة لما ربنا سبحانه وتعالى ييسر لك طاعة وتلaci رينا فتح عليك في ابواب الهدایة - 00:07:26

تعرف ان دي علامة محبة لما ربنا ييسر لك العبادة وتلaci نفسك بتاخذ خطوات في طريق ربنا دي علامة حب تاني علامة ان ربنا سبحانه وتعالى يضع لك قبول في قلوب الصالحين - 00:07:43

قال قال صلی الله عليه وسلم ان الله اذا احب عبداً نادى جبريل عايزه بس الحديث ده اغلب الناس حافظة الحديث. بس تأمل كده في معنى الحديث ده. قال ان الله اذا احب عبداً نادى جبريل - 00:08:04

اني احب فلاناً فاحبه فيحبه جبريل ثم ينادي في اهل السماء يا اهل السماء ان الله يحب فلاناً فاحبه. فيحبه اهل السماء ثم يوضع له القبول في الارض قبول يعني الذكر الحسن والناس الصالحين واهل الصلاح واهل الخير واهل الطاعة يحبوا الانسان ده من غير ما يعمل حاجة - 00:08:22

قال تعالى ان الذين امنوا وعملوا الصالحات سيجعل لهم الرحمن وداً كان اهل العلم يقولون في الاية والله ما اقبل احد على الله بقلبه بايمان وعمل صالح الا واقبل الله بقلوب العباد عليه - 00:08:51

فيرزقه مودتهم ومحبتهم ان انت تعمل يعني واحد بيصللي قيام ليل ولا بيتصدق في السر ولا له حال مع ربنا سبحانه وتعالى. فتلaci الناس بتتحب الانسان ده من غير ما يتكلم من غير ما يعمل حاجة - 00:09:09

ليه هو مقبل على ربنا سبحانه وتعالى بالايام والعمل الصالح فربنا سبحانه وتعالى جعل له القبول في الارض قال ثم يوضع له القبول في الارض فمن علامات حب الله للعبد القبول - 00:09:23

ثالث حاجة من علامات حب الله للعبد ان ربنا سبحانه وتعالى يدبر لك حياتك احسن تدبير قال تعالى عن موسى عليه السلام قال

واصطنعتك لنفسي ولتصنع على عيني ان انت تلقي حياتك كده ماشيء ان ربنا سبحانه وتعالى بييسر لك امور وبيشيلك من مكان
يحطوك في مكان ثاني حياة بتتدبر تدبير - 00:09:41

فيه لطف ومعية واحسان ده من حب ربنا للعبد رابع علامات حب الله العبد ان ربنا يزهدك في الدنيا ان انت الدنيا ما تبقاش
في قلبك الدنيا تبقى في ايدك. ان ربنا يسهلك في الدنيا ان انت تبقى في معصية كده تبقى انت كاره المعصية دي. الناس كلها بتجري
وراء شهوات الدنيا وانت حاسس ايه؟ انت - 00:10:08

تكفي بالله. قال تعالى يا ايها الذين امنوا استجيبوا لله ولرسول اذا دعاكم لما يحييكم واعلموا ان الله يحول بين المرء وقلبه يحول
بين المرء وقلبه ان ربنا يحول بينك وبين - 00:10:35

المعصية قلبك ده بعد ما كان متعلق بالذنب الفلاني ومتصل بالمعصية دي يحول بين المرء وقلبه يعني قلبك يتغير. بعد ما كنت بتحب
المعصية دي تلقي نفسك بتكرهها ده من علامات حب الله - 00:10:53

او ان انت كنت الطاعة دي كانت تقيلة عليك فتلقي نفسك ايها منشرح ونشيط لها يحول بين المرء وقلبه يعني اقبالا على الطاعة
وبعدا عن المعصية فدي من علامات حب الله للعبد - 00:11:08

طبعا في علامات كتير لكن خليني ادخل في ثمرات ثمرات حب الله للعبد. يعني لو انا ربنا بيحبني هاخد ايها الحاجات اللي انا
هاخدتها لو ربنا بحبني؟ اول حاجة - 00:11:25

ان انت مش هتبقى تحتاج تدافع عن نفسك يعني ممكن تقعد في قعدة كده آآ انت مش موجود فيها الناس تتكلم عنك فعشان ربنا
بيحبك ربنا يسخر حد يدافع عنك - 00:11:38

طب ايه الدليل قال تعالى آآ ان الله يدافع عن الذين امنوا وقال صلى الله عليه وسلم قال الله تعالى من عاد لي ولها فقد آذنته
بالحرب ان الولي ده ربنا بيحبه - 00:11:49

فلما انسان يجي عليه لو انت ربنا بيحبك وحد بيجي عليك ربنا يدافع عنك. قال تعالى فقد اذنته بالحرب تخيل تاني ثمرة من ثمرات
حب الله للعبد ان ربنا يحفز الجوارح بتاعتكم من المعصية - 00:12:09

ويسخرها في الطاعة قال تعالى في نفس الحديث حديث الولاية قال صلى الله عليه وسلم من عاد لي ولها قال تبارك وتعالى من عاد
لي ولها فقد اذنته بالحرب. وما تقرب الي عبدي بشيء احب الي مما افترضته عليه - 00:12:28

وما يزال عبدي يتقرب الي بالنواقل حتى احب فاذا احبيته اسمع بقى هاخد ايها كنت سمعه الذي يسمع به وبصره الذي يبصر به ويده
التي يبطش بها ورجله التي يمشي بها. ان ربنا سبحانه وتعالى يحفظ الجوارح دي من المعصية - 00:12:43

انه يحفز بصرك ان انت ما تشوفش الحرام يحفز سمعك ان انت ما تسمعش الحرام. ولو شفت او سمعت ما تتفتنش يحفز الجوارح
ايديك ورجليك ان هي ما تلمسش الحرام او ما تمشيش في الحرام - 00:13:08

يسخر الجوارح دي في الطاعة. ده ده من ايه بيحبك بيحبك. لما يحفز سمعك وبصرك وجوارحك من المعصية كده هو بيحبك سبحانه
وتعالى قال تعالى ولئن سألي لاعطين ولئن سألي - 00:13:23

لاعطيته. يعني لما ربنا يحبك تبقى ايه؟ مستجاب الدعاء نفسك تدعى نفسك تدعى وربنا يستجيب؟ خلي ربنا يحبك. طب ربنا بحبني
ازاي هنقول دلوقتي لكن الانسان اللي ربنا بيحبه اللي ربنا بيحبه هيستجيب دعاء الانسان ده. اقرب للاجابة - 00:13:43

ولله المسلح الاعلى. لو انت في اتنين آآ طلبو منك طلب وفي واحد فيهم انت بتتحبه قوي هستجيب لمين اسرع للبي بتتحبه اللي
بتتحبه فقلنا كده ايه ثمرات حب الله للعبد قلنا اول حاجة يدافع ان الله يدافع عن الذين امنوا. ايه كمان؟ حفظ الجوارح - 00:14:02

ماشي؟ قال ولئن سألي لاعطينه ولئن استعاذه لاعيدهنه. ان ربنا كمان انت اي حاجة انت خايف منها اي مصيبة جاية اي ابتلاء اي
حاجة تدعى ان ربنا يعيذك منها ربنا ايه؟ يعيذك منها سبحانه وتعالى - 00:14:21

فدي من من ثمرات حب الله للعبد. منها القبول اللي احنا قلناه دلوقتي ان ربنا سبحانه وتعالى يجعل لك قبولا في قلوب الناس في
قلوب الصالحين. مش كل الناس طيب - 00:14:37

خلينا بقى ندخل في ايه في في الاهم بقى. طيب انا دلوقتي نفسي ربنا يا رب يرزقنا آآ حبه سبحانه وتعالى نفسي ربنا يحبني اعمل ايه؟ ايه الاعمال اللي انا لو عملتها؟ ربنا هيحبني فهاخد - 00:14:50

ثمرات المحبة دي. بالمناسبة ربنا سبحانه وتعالى اذا احب انسان الانسان ده لا يعذب يوم القيمة حديث النبي عليه الصلاة والسلام لما رأى المرأة في رواية من الروايات لما المرأة اللي كانت بتبحس عن ابنها فاول لما لقت ابنها كده ايه فضنته وجعلت تبكي فقال النبي صلى الله عليه وسلم لاصحابه - 00:15:08

اترون هذه المرأة تلقي ولدها في النار تفتكر ان الام دي ممكن ترمي ابنها في النار قال اللهم لا قال والله لا يلقي الله حبيبه في النار والله لا يمكن له حبيبها في النار - 00:15:29

فدي من ثمرات حب الله للعبد ماشي؟ هندخل بقى في ندخل بقى في الاعمال بقى ونركز شوية اول عمل اول عمل لو انا عملت العمل ده ربنا سبحانه وتعالى يحبني - 00:15:47

اه وده اصلا من علامات صدق محبة العبد لله يعني ما فيش واحد يدعى محبة ربنا وتلقي العمل ده هو مقصري فيه. بل ربنا عمل العمل ده اختبار اختبار صدق - 00:16:00

قال تعالى قل ان كنتم تحبون الله فاتبعوني يحببكم الله يعني عالمة صدق محبتكم لربنا سبحانه وتعالى مش انت بتقول انت بتحب ربنا بتحب ربنا؟ اه انا بحب ربنا. بتحب ربنا؟ اه بحب ربنا. طب عالمة صدق محبتكم لربنا ايه - 00:16:16

في اختبار قال الحسن فكان عالمة جبهم ايه اتباع سنة النبي صلى الله عليه وسلم لو انت صادق في محبة ربنا قيس نفسك على السنة شوف انت حالك ايه من سنة النبي عليه الصلاة والسلام - 00:16:37

لو انت بعيد عن السنة لو انت بعيد عن السنة وبتدعي محبة ربنا يبقى هنا فيه مشكلة يبقى اول عمل انسان يعمله علشان يقرب من محبة ربنا اتباع السنة. قل ان كنتم تحبون الله فاتبعوني - 00:16:54

يحببكم الله ازاي اتبع السنة؟ امشي على خطى النبي عليه الصلاة والسلام ان انا اقرأ سيرة النبي عليه الصلاة والسلام اشوف ان انا صائم في آآ سنن اليوم والليلة اشوف كده الاذكار آآ اذكار النبي عليه الصلاة والسلام كان بيقول ايه وهو اول لما بيصحى من النوم عليه الصلاة والسلام. آآ النبي عليه الصلاة والسلام كان بيأكل - 00:17:10

زي كان بيلبس ازاي؟ كان قبل ما يلبس كان بيقول ايه؟ قبل ما يأكل كان بيقول ايه؟ بعد الاكل كان بيعمل ايه؟ ازاي كان بيتعامل مع الناس؟ اخلاق النبي عليه الصلاة والسلام - 00:17:28

في التعامل مع اصحابه مع زوجاته مع مع الاطفال ان انا اتعلم ده ان انا طول ما انا بقرب من تعلم سنة النبي عليه الصلاة والسلام ويطبقها في حياتي انا كده ماشي في طريق ايه - 00:17:38

طريق المحبة. يعني اللي بيدور ان نفسه ربنا يحبه يعمل ايه يقرأ سنة النبي عليه الصلاة والسلام يطبق سنة النبي في حياتي يعني انت تشو夫 النبي عليه الصلاة والسلام كان بيعمل ايه؟ كان بيتعامل مع اهله وازاي بيتعامل مع زوجاته؟ ازاي بيتعامل مع الاطفال ازاي؟ بيتعامل مع العصاة ازاي؟ بيتعامل مع اصحابه ازاي - 00:17:51

بيتعامل مع المشركين ازاي؟ وطبق ده في حياتك تشو夫 السنن سنن اليوم والليلة تكتب رائع اسمه اليوم النبوى كتاب رائع موجود بي دي اف ده جايب لك كده اليوم بتاع النبي عليه الصلاة والسلام كان ماشي ازاي - 00:18:11

قيام الليل كان عامل ايه؟ حاله قبل آآ الفجر بعد صلاة الفجر ازاي كان بيتعامل مع اصحابي؟ كتاب رائع. كتاب اروع اسمه كيف عاملهم الشيخ المنجد ده حاجة كده ايه خيال - 00:18:30

فقلنا اول آآ سبب من اسباب محبة الله للعبد اتباع السنة. ثاني حاجة ها احنا قلنا دلوقتي حديث حديث الولاية قال من عاد لي ولها فقد اذنته بالحرب. قال تعالى وما تقرب الي عبدي بشيء - 00:18:43

احب الي مما افترضته عليه يبقى ثاني عمل يوصلك لمحبة ربنا ايه؟ الفرائض يعني اللي بيقول انا بحب ربنا ونفسى ربنا يحبنى وما بيصليش ده صادق في محبة ربنا ده صادق في طلب محبة ربنا - 00:19:02

طب اللي ما بيصحاش يصلي الفجر اللي بتزبط المنبه على الساعة تمانية الصبح عشان محاضرة الساعة تمانية عشان الغياب بتاع
الساعة تمانية وما بتتصحاش الفجر تصلي دي في صدق في محبة ربنا سبحانه وتعالى - 00:19:20

ولا هنا هو بيحب النوم اكتر فالانسان يراجع الفراغ اول حاجة البداية الصلاة يعني ازاي يتصور انسان بيحب ربنا سبحانه
وتعالى وما بيصليش ما بكلمكش دلوقتي في ايه في نوافل وقيام الليل والصيام لا بكلمك في الفرض الاساس - 00:19:36
اساس علاقتك برربنا سبحانه وتعالى الصلاة فان انت تقصير في صلاة الفجر قاعد اسبوع في الثاني في الثالث ما بتتصحاش تصلي
ومش حاسس ان انت في مشكلة ومش متضايق ومش زعلان - 00:20:00

مش متالم كده ان انت فاتك الفجر. هنا عندي مشكلة في ايه في الاساس اصلا في العمود في العمود بتاع ديني الصلاة فاكسر حاجة
تقربني من ربنا سبحانه وتعالى ان انا اصلي. ان انا اعمل فرائض الصلاة والزكاة والصوم والحج لمن استطاع اليه سبيلا. وان انا -
00:20:12

اقيم التوحيد شهادة ان لا الله الا الله وان محمد رسول الله صلى الله عليه وسلم بازن الله لنا درس وقفه كده مع توحيد سورة
الاخلاص والخلاص وقول لا الله الا الله - 00:20:33

درس ان شاء الله دروس مهمة بازن الله تالت عمل تالت من اعمال لتوجب محبة الله للعبد سنن احنا قلنا الفرائض قال وما تقرب
الي عبدي بشيء احب الي مما افترضته عليه قال وما يزال عبدي - 00:20:46
يتقرب الي بالنوافل حتى احبه يبقى علشان اه اه ربنا يحبني اعمل ايه المداومة على النوافل ما يزال ايه؟ فيها ايه استمرار باستمرار
ان انت بتداوم على النوافل. طب النوافل دي اللي هي ايه؟ النوافل مطلقا. صيام اتنين وخميس. قيام الليل. آآ السنن - 00:21:06
الرواتب لو انت عايز تبني بيت في الدنيا. لو عايز تبني بيت في الدنيا هتدفع فلوس كتيرة ولا قليلة؟ كتير جدا صح؟ وهتجيب بقى
مقاول وحفر بقى وحديد واسمنت ورمل وزلط - 00:21:29

وينصبوا عليك ماشي؟ هتدفع فلوس كتير. طب لو انت عايز تشتري مسلا فيلا في مارينا مسلا هتدفع كم؟ اكتر فلوس اكتر بكثير
صح؟ طب لو عايز تبني بيت في الجنة - 00:21:44

تعمل ايه؟ تصلي اتناشر ركعة. يعني شف تبني بيت طب البيت اللي في الجنة ده احسن ولا البيت اللي في الدنيا؟ ده البيت اللي في
الجنة ده النبي عليه الصلاة والسلام قال لبنة من ذهب - 00:21:57

ولبنة من فضة يعني طوبى دهب وطوبى ايه ومش زي الذهب والفضة بتوع الدنيا يعني. قال ميلاطوع المسك يعني المونه اللي بينها
اه يا باشمهندس اه مسک وحصبوه اللؤلؤ وترابها الزعفران. يعني متخييل القصر عامل ازاي - 00:22:07
البيت بتاعك في الجنة النبي عليه الصلاة والسلام قال من صلى لله ثنتي عشرة ركعة بنى الله له ايه بيتا في الجنة يعني انت لما تصلي
السنن الرواتب غير ان ربنا سبحانه وتعالى يحبك وان انت ماشي في طريق المداومة على النوافل انت كده بتبني بيت كل يوم في
الجنة - 00:22:27

كل يوم يعني شف كده انت محافظ على النوافل اللي هي ايه بقى؟ قبل الفجر كم ركعة؟ اتنين قبل الفجر. اربعة قبل الضهر
وبعد الضهر. اتنين. العصر فيه بس ايه؟ اه ليه حدیس خاص. النبي عليه الصلاة والسلام - 00:22:48
رحم الله امرى صلى قبل ايه؟ العصر اربعة. حدیس ازن حسنة الشيخ الالباني يعني طب والمغرب؟ قبل ولا بعد؟ بعد. طب في سنة
قبل قبل المغرب فيه اه سنة قبل المغرب عليه الصلاة والسلام قال صلوا قبل المغرب صلوا قبل المغرب وبعددين قال
- 00:23:04

لمن شاء وقال صلى الله عليه وسلم ما بين كل اذنين صلاة. يعني لما تدخل المسجد بين الاذان والإقامة تصلي. تحية المسجد وتصلي
سنة قبلية ماشي؟ دي مطلقة لكن احنا بنتكلم دلوقتي عن الاتناشر ركعة. يبقى احنا قلنا اتنين قبل الفجر اربعة قبل الضهر. اتنين بعد
الضهر - 00:23:22

ماشي؟ بالله عليك اخر مرة صليت السنة قبلية للضهر امتى الاربعة اللي قبل الضهر بسؤال واحد قال لي ياه السنة اللي قبل الضهر دي

انا يعني ما فيش من زمان - 00:23:42

ما صلتهاش فشوف انت بتضيع كم بيت انا بس عايز اقول لك على حاجة شيخة قبل كده مرة ج Zah الله خيرا قال لنا كلمة اسرت فيها اوبي قال ان في اعمال بسيطة - 00:24:00

الانسان يوم القيمة ركزوا في الكلام ده هتتفاجئ ان كان في واحد ماشي معك كده في الدنيا. الظاهر ان انت اعمالكم زي بعض. صلوا في المسجد بتحضروا دروس تتفاجئ ان يوم القيمة ده فرق عنك ايه؟ درجات في الجنة - 00:24:10

كان بي عمل ايه كان مسلا ايه بيردد الاذان بيسمع الاذان بينزل قبل الاذان مسلا بيتوضا بيحسن الوضوء بيصبح الوضوء وانت بتتواضع عادي انت المتنين اتواضيوا. بس ده مركز وهو بيتوضا. اتواضعا صح - 00:24:27

ونزل بدرى فسمع الاذان وردد مع الاذان. فخدنا اجر المؤزن اجر التردید الاذان وبعدين بعد الاذان قعد يدعى وصلى السنة القبلية ماشي؟ انت صليت برضو بس انت فاتك ايه؟ الثالث اربع حاجات دول - 00:24:44

دول هو مداوم عليهم. تيجي بقى مع الوقت مع طول العمر تلاقي ده فرق عن ده فرق السماء والارض في الجنة شوفوا اعمال ده بيقدر بعد الصلاة ده بيصللي ويقوم يمشي على طول وده بيقدر بعد الصلاة ايه - 00:25:00

يختتم الصلاة يسبح ويحمد الله ويكبر ثلاثاً وثلاثين ويقول آية الكرسي والمعوذات ويدعى بعد الصلاة ويصللي السنة البعدية. فرق اعمال بسيطة خالص لكن فرق درجات في الجنة فاحنا قلنا اتنين قبل الفجر واربعة قبل الضهر اتنين بعد الضهر اتنين بعد المغرب اتنين بعد العشاء. اتناشر ركعة - 00:25:16

اتناشر ركعة يا مؤمن يتبنيلوك بيت في الجنة في اسهل من كده ييش اسهل من كده يبقى التوافل التقرب لربنا سبحانه وتعالى. لو انا عايز ربنا يحبني انقرب الى الله ايه - 00:25:38

بالتوافل اعمل نوافل كتير. صيام اتنين وخميس انت متخليل ان انت تصوم يوم واحد يوم واحد. مش انت نفسك اه اه ما تدخلش النار مش عايز تدخل النار صح عايز تهرب من النار وتبعده عنها - 00:25:55

صح ولا غلط طيب لما النبي عليه الصلاة والسلام يقول من صام يوماً في سبيل الله باعد الله وجهه عن النار سبعين خريفاً. يعني يوم واحد يبعدك كم سبعين سنة - 00:26:09

يعني لو انت هنا والنار هنا ماشي او انت هنا مسلا النار هنا ربنا يا رب يبعدنا عن النار. اليوم ده يبعدك ايه سبعين سنة وتصوم كمان يوم سبعين سنة - 00:26:24

انت متخليل بتبعد عن النار كل يوم تصوم بتبعد عن النار والصوم دلوقتي هي كم ساعة؟ عشر ساعات عشر ساعات بس قليل جداً والله المغرب بيأذن الساعة خمسة وخمسة الفجر هو اللي خمسة الا تلت حاجة زي كده. صح؟ مدة قليلة جداً والجو بدأ يدخل في - 00:26:37

الشتا ده الصالحين كانوا يقولوا الشتا ده ايه اه الغنية الباردة صيام النهار قصير والليل طويل. فيصوم النهار ويقيم الليل ماشي؟ يبقى احنا قلنا تالت عمل من اعمال التي توجب محبة الله للعبد - 00:26:57

المداومة على التوافل بعد الفرائض مش واحد يقدر يصللي قيام الليل طول الليل وينام عن صلاة الفجر ما يصليش الفجر لأنك لو انت لوالترس الاولى صلاة الفجر من صلى الصبح في جماعة كان كمن قام الليل كله طيب رابع عمل رابع عمل رابع عمل من الاعمال التي توجب محبة الله للعبد - 00:27:31

كان السلف يقولون آآ واعلم انك لن تتقارب الى الله باحب اليه مما خرج منه سبحانه وتعالى يعني اكتر حاجة تقربك من ربنا سبحانه وتعالى قرآن العناية بالقرآن حديث جميل جداً يعني من الحديث اللي انا بحبها قوي - 00:27:48

حديث سيدنا ابي النبي عليه الصلاة والسلام راح لسيدنا ابي ابن كعب وقال ان الله امرني ان اقرأ عليك سورة البينة انا بس عايزك عايزك تستشعر الحديث ده سيدنا ابي كده قاعد - 00:28:09

والنبي صلى الله عليه وسلم جاي يقول له ان الله امرني ان اقرأ عليك سورة البينة يعني الله سبحانه وتعالى الملك ارسل سيدنا جبريل بوحي للنبي عليه الصلاة والسلام يقول له اقرأ على ابى سورة البينة - [00:28:31](#)

سيدنا ابى قال ايه قال وسمانى هو هو ربنا قال اسمى كده عادي؟ وسمانى؟ يعني ربنا قال النبي اقرأ على ابى باسمى كده قال وسمانى؟ قال وسمانى قال فبكى ابى فرحا - [00:28:51](#)

ان تخيل كده منزلة سيدنا ابى عند ربنا ايه ان ربنا يأمر سيدنا جبريل اه ينزل للنبي عليه الصلاة والسلام يقول اقرأ على ابى سورة البينة منزلة سيدنا ابى عند ربنا ايه - [00:29:11](#)

طب ايه ارجى اعمال ابى ابن كعب كان كاتبا للوحى عنابة بالقرآن فان انت كل ما تعتنى بكلام ربنا سبحانه وتعالى قراءة وسماع وتدبى كل ما انت ايه تتقرب الى الله ربنا يحبك عشان بتعتنى بكلام الله - [00:29:27](#)

سبحانه وتعالى النبي عليه الصلاة والسلام ارسل رجلا على سرية وكان الرجل كلما صلى بالناس يقرأ سورة الاخلاص يعني يصلى في الصلاة الجهرية فيقرأ يقرأ الفاتحة وبعدين مسلا يقرأ اي سورة ويقرأ سورة الاخلاص ييجي في الركعة اللي بعدها يقرأ سورة الاخلاص يكرر السورة دي في كل الصلوات - [00:29:47](#)

الجهيرية فالناس استغربت يعني فرفعوا امره الى النبي صلى الله عليه وسلم. فقال صلى الله عليه وسلم سلوه لاي شيء يصنع هذا بيعمل كده ليه فقال فيها صفة الرحمن واني احباها - [00:30:11](#)

قال لهم انا بحب الصورة دي عشان ايه فيها صفة ربنا قل هو الله احد الله الصمد لم يلد ولم يولد ولم يكن له كفوا احد انا بحب السورة دي - [00:30:29](#)

فيها صفة الرحمن واني احباها قال اخبروه ان الله يحبه يعني عشان هو بيحب سورة الاخلاص ربنا ايه بيحبه. فانت لما تحب صورة من سور القرآن يقول لك انا بحب سورة مريم قوي. بحب سورة يوسف. بحب سورة هود. بحب - [00:30:38](#)

سور الانعام احب اصلي بها كده واعيش معها ان انت تتعلق وقلبك يتعلق بصورة من سور القرآن ربنا يحبك. لأن انت بتحب كلام ربنا سبحانه وتعالى فقلنا ده ايه السبب الرابع - [00:30:56](#)

العنابة بالقرآن. واحنا والله لنا آآ تقدير شديد مع القرآن معنى كلام ربنا سبحانه وتعالى ضيع اوقات كتير جدا على السوشمال ميديا وعلى الفيسبوك وعلى آآ واتساب ومش عارف ايه - [00:31:11](#)

اوقات كتير الاوقات دي فعلا لو احنا بنستغل الاوقات دي في قراءة القرآن حياتنا فعلا هتتغير تماما الله المستعان خامس سبب خامس سبب من اسباب محبة الله للعبد. احنا كده قلنا اربع اسباب - [00:31:26](#)

ماشي؟ السبب الاول اتباع السنة. تاني سبب الفرائض. وبعدين؟ التوافل. العنابة بالقرآن خامس سبب من اسباب محبة الله للعبد. يعني دي الاعمال التي توجب محبة الله للعبد الدعاء ان انت تدعى ان ربنا يحبك - [00:31:45](#)

طب النبي عليه الصلاة والسلام كان بيذعي قال صلى الله عليه وسلم اللهم اني اسألك حبك اه ان انت بتذعي تقول يا رب حبني ده سبب من الاسباب. الدعاء السادس - [00:32:06](#)

هو الحب في الله وده سبب عجيب جدا قبلنا ما اعرفش هو ده حدث هنا قبل كده قال صلى الله عليه وسلم هو يحكى عن رجل قال ان رجل زار اخاه في الله - [00:32:23](#)

كان مسافر عشان يزور ايه اخ في الله فارسل الله تبارك وتعالى على مدرجه ملك فقال اين تريد الملك بيسأل مين الشخص ده بيقول له انت رايج فين قال اريد فلانا - [00:32:40](#)

ازوره قال هل لك من نعمة تربها عليه؟ يعني لك مصلحة عنده نعمة ترجو مسلا زيادتها مسلا او حاجة زي كده قال لا غير اني احبيته في الله. قال له انا رايج له بس عشان ايه - [00:32:58](#)

عشان بحبه في الله قال فاني رسول الله اليك وان الله يحبك متخيل بس واحد كده ايه قرر ان هو يسافر مسلا من المنصورة للزقازيق علشان ايه يزور اخ بيحبه في الله - [00:33:14](#)

لك مصلحة عنده عايز منه حاجة لا انا جاي له بس كده ايه بزوره في الله بس بحبه في الله فارسل الله تبارك وتعالى رسول ملك يقول له ايه اني رسول الله اليك وان الله يحبك. عشان انت بتحب فلان في الله - [00:33:29](#)

يعني ايه بحبه في الله يعني بحبه مش عشان مصلحة عشان هو بيذكرني بالله بس ما فيش بينا اي مصالح دنيوية. هو بس بيفكرني [00:33:48](#)

برينا قال صلي الله عليه وسلم في في السبعة في ظل العرش يوم القيمة قال ورجلان تحابا في الله اجتمع عليه وتفرق عليه بحسبهم على طاعة الله سبحانه وتعالى قيس قال صلي الله عليه وسلم - [00:34:09](#)

قال ربنا تبارك وتعالى حقت محبتي حقك يعني ايه يعني وجبت يعني الله سبحانه وتعالى اوجب على نفسه محبة الاشخاص اللي [00:34:28](#) جايين دول. قال حقت محبتي للمتحابين فيه وحققت محبتي -

المتناصحين فيه وحقت محبتي للمتوازيين فيه وحقت محبتي للمتواصلين فيه. وحقت محبتي للمتبازلين فيه المتابون بخلاف الله على منابر من نور يوم القيمة انا لازم اقرأ لكم الحديث ده من - [00:34:47](#)

من اوله قال مناسبة الحديث ده له قصة يعني. قال عن ابي مسلم الخولاني قال اتيت مسجد اهل اهل دمشق فاذا حلقة فيها كهول من اصحاب النبي صلي الله عليه وسلم. واذا شاب فيهم اكحل العين براق الثانيا - [00:35:10](#)

يبقول الراوي ده ابو مسلم ده بيحكي بيك قول دخلت مسجد اهل دمشق فلقيت ايه كهول من اصحاب النبي يعني في سن ايه تلاتين اربعين كده ماشي فلقيت في واحد اكحل عينين براق الثنية شكله ايه؟ جميل قوي - [00:35:34](#)

قاعد كده في وسط الناس قال كلما اختلفوا في شيء ردوه الى الفتى اول اما يختلفوا في حاجة يقولوا ايه يسألوا الفتى ده فتى شاب قال قلت لجليس لي من هذا - [00:35:51](#)

قال هذا معاذ بن جبل قال فجئت من العشي فلم يحضرها كان عايز يشوفه بالليل فما لقاش حد قال فغدوات من الغد قال فلم يجيئوا فرحت اذا انا بالشاب لقيت بقى الشاب ده معاذ رضي الله عنه - [00:36:07](#)

يصلی الى سارية واقف جنب عمود كده بيصلی ايه ورا العمود قال فركعت ثم تحولت اليه قال فسلم فدنوت منه فقلت اني لاحبك في الله قال تمدن اليه قال كيف قلت - [00:36:24](#)

سيدنا معاذ بيقول له كيف قلت؟ قلت ايه قال قلت اني لاحبك في الله. قال سمعت رسول الله صلي الله عليه وسلم يقول المتابون في الله على منابر من نور في ظل العرش يوم لا ظل الا ظله - [00:36:43](#)

قال فخرجت حتى لقيت عبادة ابن الصامت فذكرت له حديث معاذ بن جبل فقال سمعت رسول الله صلي الله عليه وسلم يحكى عن ربه يقول حقت محبتي للمتحابين فيه وحققت محبتي للمتبازلين فيه - [00:37:02](#)

وحققت محبتي للمتوازيين فيه والمتتابون في الله على منابر من نور في ظل العرش يوم لا ظل الا ظله اللهم اجعلنا منهم يا رب ححققت محبتي للمتحابين فيه ان انت تحب - [00:37:27](#)

الانسان في الله ما فيش مصلحة للمتناصحين فيه ان انت تتصحه في الله يعني ان انا لما انزل من بيتي اروح عشان انصح فلان في الله ربنا يحبني ان انا لما اكلم صاحبي اصحيه عشان يصلي الفجر لما اكلم صاحبتي اذكرها بالله وانصحها بالحجاج وانصحها ان هي تصحي تصلي الفجر - [00:37:47](#)

كده ايه ربنا يحبني بالعمل ده قال حقت محبتي للمتبازلين فيه ان انت تبذل من نفسك ومن وقتك ومن مالك عشان اخوك المسلم ان اخوك تحتاجك ان انت تبذل من ايه - [00:38:07](#)

مجهود عشانه بفلوسك تواسيه بمالك وواقع في مشكلة آآآ بوقت بمجهود بمواساة تقدر معه تساعده قال حقت محبتي للمتبازلين فيه وحققت محبتي للمتوازيين فيه. وحققت محبتي للمتواصلين فيه السبب السابع - [00:38:25](#)

الزهد في الدنيا يعني ايه الزهد بقى عدم التعلق بالدنيا ولا تنسى نصيبك من الدنيا جميل النبي عليه الصلاة والسلام قال كان من دعائه صلي الله عليه وسلم اللهم لا تجعل الدنيا - [00:38:47](#)

اكبر همنا ولا مبلغ علمنا لان انت احياناً آخذ ذم الدنيا هنا آخذ بالك الدنيا لا تذم على الاطلاق. يعني الدنيا هي مزرعة الآخرة الدنيا
انت بتتعرف فيها على ربنا وتقرأ القرآن وتصلّي وتحضر مجالس العلم وآتاجتمع بالصحبة الصالحة - 00:39:03

وتعبد فيها ربنا وتتعرف الى الله. الدنيا لا تذم مطلقاً ولكن يذم ان الدنيا تكون حاجز بينك وبين الآخرة ان الدنيا تكون اقصى
طموحاتك ان انت ما بتتفكرش غير في الدنيا - 00:39:30

ان الدنيا تنسيك يقول لك انا ايه آقاعد آيسيب صلاة الجمعة يتأخر على صلاة الجمعة عشان فتح المحل والناس بتيجي تشتري
سمك قبل الصلاة. وده يوم الضغط على على محلات السمك - 00:39:43

فالزمبابين بتيجي تتصل في ايه في وقت الصلاة فيقول لي طب انا اعمل ايه طيب اسيب الناس شغل ولا عمل عبادة صح مش عمل
عبادة العمل اللي يلهي عن آذك الله - 00:39:59

ده معصية مش عبادة ده معصية قال تعالى واذا رأوا تجارة او لهوا انفضوا اليها وتركوك قائماً. قل ما عند الله خير من الله ومن
التجارة ان انت الدنيا ما تباقاش ايه قاعد بيعمل صفقة ولا ولا في ايده مصلحة ولا في اي حاجة والضهر يازن. يقول لك يا عم نخلص
اللي في ايدينا الاول احنا - 00:40:14

عمل عبادة يأجل آآ الصلاة ويأخر الصلاة علشان آآ في محاضرة ولا علشان آآ مسلسل ولا عشان ماتش ولا اي حاجة ان هنا الدنيا بقت
ايه حاجز عن الآخرة ان انشغل بالدنيا وانشغل بجامع الدنيا لدرجة ان هو ايه نسي الاخرة اصلاً - 00:40:41

فالزهد في الدنيا من اسباب محبة الله للعبد قال صلى الله عليه وسلم لما جاء رجل الى النبي صلى الله عليه وسلم وقال يا رسول الله
دلني على عمل اذا عملته احبني عليه الله - 00:41:01

واحبني عليه الناس قال له عايز اعرف عمل لو عملته الناس تحبني وربنا هيحبني قال قال زهد في الدنيا يحبك الله وازهد فيما عند
الناس يحبك الناس. لما ربنا سبحانه وتعالى يطلع على قلب الانسان ويلاقيه زاهد في الدنيا. يعني الدنيا جت راحت انا مش فارق
معي. اهم حاجة عندي ايه - 00:41:17

طاعة ربنا ان لما يحصل تعارض بين امر ديني وامر دنيوي يقدم الامر الديني. ما لم يترتب عليه ايه؟ مفسدة دنيوية مسلاً ماشي قال
زاد في الدنيا يحبك الله وازهد فيما عند الناس يعني ايه ازهد فيما عند الناس - 00:41:41

اه يعني مش بس ما تبصش لغيرك ان انت يعني نفسك تستشرف لما عند غيرك يعني ان انا ايه عارف انت طبيعة الناس بتتنفر من
الانسان لو انا مع حد وحاسس ان الانسان ده عينه على اللي معي وطماع - 00:42:00

وعايز ياخد اللي معي وبيص لي في الحاجة اللي فاهم؟ هتحس ان انت ايه اخدت جنب منه نفرت منه فقال ازهد فيما عند الناس
يعني خليك غني فيما ايدي الناس - 00:42:18

في غنى عنهم استغنى بالله سبحانه وتعالى فقلنا كده كم سبب سبع اسباب السبب التامن هو القوة قوة ربنا سبحانه وتعالى يحب
المؤمن قوي قال صلى الله عليه وسلم المؤمن القوي خير وايه - 00:42:32

واحباب الى الله من المؤمن الضعيف. هنا القوة معناه اي القوة البدنية؟ اه القوة البدنية ان انت بيقى جسمك قوي وان انت تبقى شاب
كده فورمة يعني بتروح الجيم وبتلعب رياضة ليه؟ مش عشان تعمل سكس باكس وتتصور على انستجرام - 00:42:53

وتروح الساحل تخرب الدنيا هناك لا علشان تبقى ايه تبقى مؤمن قوي تبقى آآ قوي كده وآآ كان يعني الصحابة سيدنا علي كان قوي
البنية والنبي عليه الصلاة والسلام ان انت تبقى بنيته - 00:43:08

قوية علشان تستعين على على الطاعة وعلى الجهاد تبقى قوي تبقى مسلم قوي ماشي ده القوة البدنية وقوة الايمان ان انت تبقى
ايمانك فيه صلاة ان هي ما شاء الله الاخت ما شاء الله نازلة سابطة على حجابها ما شاء الله ما بتكلمش ولاد بتصلّي الصلاة في وقتها.
وهما الناس خلعوا حجاب خلعوا النقاب - 00:43:23

كلهم بيصاحبوا ولاد هي ايه ما شاء الله اسد سابتة على موقفه ان هو ما شاء الله شاب ماشي في الجامعة في وسط الفتنة ما بيتهزش
الايمان فيه قوة صلاة - 00:43:47

ربنا سبحانه وتعالى يحب المؤمن ده اللي يقول لك ايه صح صح اللي هو اصحى الفجر كده ومش عارف وصحيبني معك ليه انت تعتمد ان حد اللي يصحيك؟ ليه ما تباقاش انت اللي بتتصحي وتصحي الناس - [00:44:02](#)

يعني ليه انت دايما حاطط نفسك في رد الفعل؟ ان انا لو ما حدش هيشندي انا هقع انا بقع اهو ايه انا وقعت خلاص يقول لك الحقني انا خدني معك. يا عم طب ليه انت اللي ما تباقاش انت اللي تجيب دينك وانت اللي تسعى لدينك وانت تبقى قوي. وتشوف ايمانك بيزيد ازاي وتزود ايمانك بدوروس العلم - [00:44:15](#)

وحضور الموعظ وسماع القرآن وقراءة القرآن وحفظ القرآن انت اللي تبقى قوي بنفسك بالله سبحانه وتعالى قبل اي حاجة فالله سبحانه وتعالى يحب المؤمن القوي مؤمن قوي خير واحب الى الله - [00:44:34](#)

من المؤمن الضعيف تسعه اه تلات خصال تلات خصال لو الخصال دي موجودة فيك ربنا يحبك ماشي قال صلى الله عليه وسلم ان الله يحب العبد التقى الغني يعني يحب ايه - [00:44:49](#)

العبد ايه التقرير الغني يعني. عايزين كده ايه نتصف بالصفات دي يعني ايه التقى؟ يعني ايه التقوى يعني ايه اتق الله؟ خاف من ربنا ماشي. ان تجعل بينك وبين غضب الله - [00:45:14](#)

واقاية حاجز قال صلى الله عليه وسلم اتقوا النار ولو بشق تمرة. انت تجعل بينك وبين النار ايه وقاية ماشي؟ يقول لك واقي. انت تستحب ايه؟ بتحتمي بالحاجة دي. صح - [00:45:31](#)

فالتقوى ان انت قال بعض اهل العلم تعريف التقوى قال ان يجدى حيث امرك ولا يجدى حيث نهاك ربنا امرك تصلي يبقى في المسجد نلاقيك موجود في صلاة الفجر موجود في الصف الاول موجود. تكبيره الاحرام موجود - [00:45:47](#)

يجدى حيث امرك. آآ ولا يجدى حيث نهاك. نهاك عن الزنا. قال ولا تقربوا الزنا. يبقى انت ابعد واحد. هي دي ايه دي التقوى ان انت كانك ماشي في طريق كده كله شوك وانت بتحاول ايه ترفع رجل دي وتحطها في حته سليمة وتشيل دي. دي ايه - [00:46:08](#)
انت بتتقى الشوك كده دي الطاقة فربنا يحب العبد التقى اصل عد تقويري ده يعني معنى التقوى ايه؟ ان انت بتدور ربنا بيحب ايه هي دي عارف في واحد كده يقول لك ايه؟ هي دي اصل دي سنة - [00:46:25](#)

هي سنة ولا فرض هي واجب ولا مستحب؟ ماشي ايوة يعني ايه سنة؟ سنة يعني النبي عليه الصلاة والسلام كان بيعملها يعني حبيبك كان بيعملها. آآ المحب اصلا لله ما بيسألش اصلا الاسئلة دي - [00:46:43](#)

لو انا عملت دي يعني لو انا لبست النقاب ربنا هيحبني اكتر؟ اه يبقى انا هلبس النقاب اصل النقاب فيه خلاف مستحب ولا واجب؟ جميل. طب لو انا لبست الخمار هتبقى خطوة احسن وربنا يحبني اكتر؟ اه. طب لو لبست آآ بدل ما بلبس بنطلون لبست - [00:46:56](#)
فستان واسع ربنا يحبني اكتر؟ اه هيحبك اكتر طب اصل اصل هي مستحب مش واجب. ايوة ماشي. التعامل ده مش تعامل ايه مش تعامل محب اللي بيحب بيدور ايه بيشوف ربنا بيحب ايه - [00:47:13](#)

وانا اعمله يعني ما فيش واحد يقول لك ايه اصل لا انا مش هصلبي سنة الفجر عشان هي سنة مش واجبة لا انت بتعملها ايه محبة انا بحب ربنا وبحب النبي عليه الصلاة والسلام وبقلد النبي عشان هو عمل كده وقال ركتعي الفجر خير من الدنيا وما فيها - [00:47:28](#)
ماشي ان شاء الله يبقى لنا كده استطراد على موضوع ترك المستحبات ده. يبقى احنا قلنا اول اول صفة هي ايه؟ التقييم. التقى. تاني حاجة الغني. الغني. يعني ايه غني؟ يعني ربنا - [00:47:47](#)

بيحب الناس اللي معها فلوس والفقراء ما بيحبهمش لأن هو الغنى قال صلى الله عليه وسلم ليس الغنى عن ايه عن كثرة العرض ولكن الغنى ايه هنا النفس ان انت تبقى مستغنى عن الناس - [00:48:02](#)

ان انت تبقى مستغنى عن الناس. ان انت تأنس بالله سبحانه وتعالى مستغنى عن الناس ان انت راضي بالله معك عندك قناعة غنى النفس نفسك غنية ان انت تبقى ممكن واحد مش لاقى يأكل بس ايه؟ في قيمة الرضا وقمة السعادة. واحد عنده كل حاجة ودائما ساخط مش راضي - [00:48:19](#)

فرق بين نفس الغنية نفس غنية ونفس شحيبة نفس آآ طماع فربنا يحب الانسان الغنى مستغنى بالله قال يحب العبد التقى الغنى

الخفي محتاجين انك كده نقف وقفه مع الخفية دي - 00:48:46

انت تكون انسان خفي يعني ايه يعني بتستخبي ما بتظهرش كده ولا منتشر؟ قال صلى الله عليه وسلم ان الله يحب العبد التقى الغني الخفي. الخفي ان انت يكون لك آآ - 00:49:07

العبادات في السر عارف الشيطان يا جماعة الشيطان بيحاول ان هو يصرفك عن العبادة يعني انت قبل ما تقبل على الطاعة الشيطان بيصرفك عنها يخليلك ان انت ايه ما تعملهاش - 00:49:23

ماشي لو انت عملت العبادة بيحاول يخليلك ان انت تبقى مرائي فيها او ان انت ايه تكرورتها تعاملها بسرعة لكن لو انت نجحت ان انت تعمل الطاعة صح بعد العبادة الشيطان بيحاول ايه - 00:49:36

يفسد العبادة بتاعتك. ازاي يخليلك ان انت تتكلم عنها يعني مش يقول لك ايه الرياء والسمعة؟ وعارفين الرياء صح؟ الرياء ان انت ايه يعني انت تظهر العمل عشان الناس ايه جاي من الرؤية الناس تشوفك. تراكم على الطاعة - 00:49:50

ايه يعني آآ تمدحك وكده يعني لكن التسمع الرياء والسمعة يعني ايه السمعة اه يقول لك ايه ويكلم صاحبه في التليفون انا لسه تصلي ركعتين دلوقتي في جوف الليل وبكيت من خشية الله فاهم؟ وانا لسه دلوقتي متصدق صدقة في السر - 00:50:06

ماشي وبعدين تلاقيه صايم تلاقيه صايم وبعدين ما حدش عزم عليه ب حاجة ولا اي حاجة. لا لا ما تجيبليش معك لأن انا صايم. يا عم هو انت حد قال لك حاجة؟ العبد الخفي تلاقيه - 00:50:27

مسلا هو بيحاول يخفي العمل بتاعه يخفي العبد. كان كان بعض اه السلف كان يبقى في المجلس مش متذكر الاسم يعني في المجلس بتاعه كان يعني لما يحدث الناس يعني يغلبه البكاء. عايز بيكي. تأثر بالموعزه - 00:50:38

بعدين يقعد بييجي كده لأن ايه يعني هو عنده زكام قال ما اشد الزكام ما اشد الزكام مش عايز يعرف الناس ايه ان هو بيكي ما اشد الزكام ماشي؟ وكان يعني بعض السلف يعني يقوم الليل - 00:51:00

ومراته لا تعلم يعني كان يستنى كده لما هي تنام وخلاص وغمضت عينيه ويقعد يتسحب عشان ايه يقوم يصلی قيام ليل وهي ما تعرفش بيختفي العمل بتاعه يقول لك ايه وتلاقي واحد كده صايم والناس بتتعزم عليه ب حاجة هو صايم - 00:51:21

بس ما بيادرش يقول ان انا صايم. يقول له لا والله انا ما ليش نفس مش عايز آآ لا مش مش هاكل ده شakra جزاک الله خيرا لكن ما يقولش ما يقولش انا صايم. لو اتضغط عليه قوي يقول انا معلش والله انا اسف انا صايم - 00:51:36

جميل ان انت تبدي بعض الاعمال بتاعتك. قال تعالى ان تبدوا الصدقات فنعمما هي ولكن وان تخفوها اه خفاء الاصل الاصل ان انت تخفي الاعمال بتاعتك. تخفي الاعمال بتاعتك لكن اذا كنت هتبدي بعض الاعمال على سبيل الاقتداء بس ده برضه احيانا بيدخل فيه ايه - 00:51:51

اه عشان يقول لك ايه يا عم عشان اخلي الناس تقتندي بك. يا عم خلاص يا عم اخفي اعمالك ماشي؟ كان آآ اظن آآ سفيان الثوري يقول كل ما ظهر من عملي - 00:52:11

اللي الناس لا اعد يعني الاعمال بتاعتي اللي بتزهر آآ بقى ايه مجالس العلم بقى والصوم والحاجات اللي قدام الناس دي كل اللي بيذهر من عملي ده ايه ما بحسبوش اصلا. انا بحسب ايه - 00:52:23

خلوات بس فقال صلى الله عليه وسلم ان الله يحب العبد التقى الغني الخفي اخر سبب اخر سبب نختم به ان تؤثر الله سبحانه وتعالى على هواك يعني تؤثر طاعة الله على هواك - 00:52:38

يعني ايه الكلام ده قال صلى الله عليه وسلم ثلاثة يحبهم الله عز وجل ويوضحك اليهم ويستبشر به ركزوا في الحديث دوت ثلاثة يحبهم الله عز وجل ويوضحك اليهم - 00:52:57

ويستبشر بهم الذي اذا انكشفت فئة قاتل وراءها بنفسه لله عز وجل فاما ان يقتل واما ان ينصره الله فيقول الله انظروا لعبيدي كيف صبر لي نفسه ماشي اول واحد من الثلاثة دول ايه - 00:53:18

الذى اذا انكشفت فئة يعني هو بيقاتل في سبيل الله في الجهاد والجيش بدأ ينسحب وانكشفت فئة من الجيش فده بيعمل ايه؟ قال

قاتل وراءها. بنفسه لله عز وجل. فاما ان يقتل واما ان ينصره الله - [00:53:41](#)
يعني هو عارف ان هو ممکن يموت يا اما ايه يفتح له يا اما ايه يقتل قال فيقول الله انظروا الى عبدي كيف صبر لي نفسه والذی له امرأة حسناء وفراش لین حسن - [00:53:59](#)

فيقوم من الليل فيقول يذر شهوته فيذكرني ويناجيني ولو شاء ركد رجل له امرأة حسناء وفراش لین. الاصل ان شهوة النفس ان هو يميل للراحة ماشي قال يظهر شهوته ده يترك المرأة الحسناء والفراش اللین ويقوم ايه - [00:54:18](#)

يصلی قال قال ربنا تبارك وتعالی يقول انظروا لعبدي يذر شهوته فيذكرني ويناجيني ولو شاء ركد قال والذی يكون في سفر وكان معه ركب فسحروا ونصبوا ثم هاجعوا مسافرين سفر سفر طویل مرهق - [00:54:38](#)

وخلال الناس حطوا الرحال وهيناموا عمل ايه قال فقام من السحر في سراء او ضراء اتسحب كده لما الناس دخلت تنام وقام يعمل ايه حل القاسم المشترک بين التلاتة دول ايه - [00:54:58](#)

الايثار ان هو بیؤثر ربنا سبحانه وتعالی بیؤثر ربنا سبحانه وتعالی على نفسه على شهوة النفس ان انت ممکن تروح تكون الراحة بتاعتك في ايه؟ في النوم لكن انت تقول تقوم تصلي - [00:55:17](#)

قال تعالى تتجافى جنوبهم عن المضاجع يدعون ربهم خوفا وطمعا واما رزقناهم ينفقون قال تعالى امن هو قانت انا الليل ساجدا وقائما يحذر الآخرة ويرجو رحمة ربها. قل هل يستوي الذين يعلمون والذين لا يعلمون - [00:55:35](#)

انما يتذكر اولو الالباب قال جعفر بن محمد الصادق لصاحبہ سفیان الثوری قال قال له هقول لك على خصلتين خصلتين. لو عملت بالخصلتين دول اضمن لك الجنة فقال سفیان وما هما؟ قال احتمال ما تكره اذا احبه الله - [00:55:51](#)

احتمال ما تكره اذا احبه الله وترك ما تحب اذا كرهه الله احتمال ما تكره لو الحاجة دي انت بتكررها بس ربنا بيحبها هعملها احتمالها لو الحاجة دي ربنا بيكررها بس انا بحبها هعمل ايه - [00:56:15](#)

هترکها احتمال ما تكره اذا احبه الله وترك ما تحب اذا احب اذا كرهه الله فاحنا قلنا كده ايه؟ کم سبب عشر اسباب سمعونا بقى الازواج تانية کده السبب الاول اتباع النبي صلی الله عليه وسلم. تاني الفرائض بعد النوافل. السنن عنایة بالقرآن. الدعاء. الحب في الله - [00:56:39](#)

قوة زهد في الدنيا النوافل ماشي جزاکم الله خيرا. تلت صفات تقي غني غني خفي اخر حاجة ان تؤثر الله على ما تحب. طيب بمناسبة المراجعة بقى انا راجع من البداية. احنا قلنا - [00:57:03](#)

اه علامات حب الله للعبد اول علامه توفيق للطاعة تاني علامه قبول يوضع له القبول في الارض. تالت علامه تدبير حسن التدبير. رابع علامه يجعله زاهدا في الدنيا. يبغضه في المعصية. طيب ايه - [00:57:21](#)

حب الله العبد يدافع عنه يستجيب الدعاء حفظ الجوارح وقلنا القبول في الارض لئن سألني لاعطينه ولئن استعاذه لاعيذنه ويجعل له القبول في الارض ان شاء الله الدرس الجای بازن الله بازن الله. احنا دلوقتي اتكلمنا عن علامات حب الله للعبد - [00:57:36](#)

وثمرات حب الله للعبد واتكلمنا عن الاعمال التي توجب محبة الله للعبد. ماشي؟ المرة الجایة هنتكلم بقى عن انا هل انا فعلا صادق في محبة الله وايه العلامات اللي لو موجودة في بقى انا فعلا بحب ربنا ولو مش موجودة في بقى انا مش صادق في محبة الله - [00:57:54](#)

ماشي ان شاء الله هيبيقى درس مهم بازن الله اه نتقابل على خير جزاکم الله خيرا سبحانك الله وبحمدك اشهد ان لا اله الا انت استغفرك واتوب اليك - [00:58:11](#)